

歷代古人像贊

下

原書高三一·八公分 闊二五·〇公分
板框高二五·五公分 闊二一·五公分

中國古代版畫叢刊

歷代古人像贊 鄭振鐸編

古典文學出版社出版

上海市書刊出版業營業許可證出零捌陸號
(上海康平路一五二弄十八號)

商務印書館上海廠印刷

新華書店上海發行所發行

一九五八年四月第一次印刷

印數：一一,七〇〇 (內特藏本二〇〇)

開本：二四乘五四時八分之三

書號：一八八九

定價：(特)五元八角

嚴子陵

甘心釣臺不臣世祖
立懦廉頑清風千古



嚴子陵

嚴光字子陵小字狂奴少有高名與光
武同學帝即位光披羊裘釣澤中帝
乃備安車玄纁聘之三反乃至除諫議
大夫不屈上嘗與光同卧光以足加帝腹
帝不敢動恐驚其寢明日太史奏客星
犯帝座甚急上曰朕與故人嚴子陵共卧
耳去耕釣隱于富春山中後人名其釣處
為嚴陵瀨云

諸葛亮

王佐奇才儒者氣象
伊呂之間管樂之上



諸葛亮

諸葛亮字孔明寓居南陽隆中漢建
安初徐庶言於先主曰諸葛孔明卧龍
也先主三顧於草廬中孔明乃起先主
既即位於成都策孔明為丞相維演兵
法作八陣圖上出師二表伐魏屯田于渭
濱有星殞營中未幾卒司馬懿按視
其營壘嘆曰天下奇才也謚忠武侯廟
食于蜀

王羲之

墨池草隸蘭亭文章
傳之百代彌遠彌光



王羲之

王羲之字逸少王導從子也臨池學書
池水盡黑草隸為古今之冠論者稱其
筆勢飄若游雲矯若驚龍又曰如龍跳
天門虎卧鳳闕其最為後世重者蘭亭
記樂毅論黃庭經也仕晉為右將軍會
稽內史

陶淵明

恥事二姓克全三綱
高志遠識播之詞章



陶淵明

陶淵明潯陽人在晉名淵明在宋名潛世
號靖節先生陶侃之孫也宅邊有五柳樹
著五柳先生傳以自況親老家貧謂親朋
曰聊欲絃歌以為三徑之資可乎親事者
間之起為彭澤令公田悉令種秫妻子固
請種粳乃以二頃五十畝種秫五十畝種粳
在官八十餘日即解印綬去賦歸去來辭
以遂其志

謝靈運

靈運到康樂出仕永嘉
文章美麗性行直家奢



謝靈運

謝靈運自幼穎悟文章之美與顏延之並稱世顏謝宋元嘉中為永嘉守郡中有名山水肆意遨遊尋山陟嶺必造幽峻之所後襲父爵封康樂公世稱謝康樂

檀道濟

北卻元魏西平姚秦
長城既壞滿眼胡塵



檀道濟宋武帝顧命元臣元嘉中
伐魏糧盡夜唱籌量沙平明魏軍
見之不敢逼位司空妻向氏嘗戒曰高
世之烈道家所忌後果為朝廷所疑及
其見收憤怒目光如炬脫幘投地曰壞汝
萬里長城也

文中子

重做三代再續六經
程朱評論河汾準繩



隋

王通字仲淹初爲志於學慨然有濟
蒼生之志西遊長安見隋文帝奏
十二策不見用乃退居河汾教授生徒
續詩書脩元經董常程元房杜王魏咸
北面受王佐之道蓋千餘人嘗鼓琴于
汾亭有釣者過而嘆曰居山澤而有廟
廊之志及卒謚曰文中子

房玄齡

輔相文皇功居第一
遺表之諫精忠貫日

